

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Epistolarvm [epistolarum] D. Philippi Melanchthonis
Farrago**

Melanchthon, Philipp

Basileae, 1565

VD16 -M3220

Egregia doctrina & pietate praedito,D. Georgio Sabino, pastori in
Tangermu[n]d, magistro honestarum & liberalium artium

[urn:nbn:de:bsz:31-312770](#)

ceritatem. Mitterem & ipsum librum Augustanū,
si plura exempla haberem. Sed mihi credite, multa
futilia sophismata libri Augustani prorsus non at-
tigi. Opto & ego pacem & concordiam Ecclesiarum. Sed liber Augustanus nec ad ueritatem, nec ad
concordiam erit utilis, ut aliquanto post res ipsa o-
stendet. Mcum igitur consilium eō spectat, ut cum
bac uia, quam liber Augustanus proponit, nō pos-
sit illa aurea ætas, quam nobis promiserunt literæ
quorundam ex conuentu Augustano scriptæ, con-
stitui: potius nulla fiat mutatio in Ecclesijs harum
regionum, nec pellantur pij & docti pastores, nee
turbetur inuocatio piorum hominū. Nec tamē cer-
tamina mouebo, si alijs uolunt mutare Ecclesijs; sed
discedam, Deo gubernante, in alia loca: quia seui-
tiam, quæ suscipietur aduersus pios pastores, ne-
quaquam adiuuare uolo. Bene ualete. Die natali Dñ
cis Ioannis Friderici, justi & pij Principis. /548.

Egregia doctrina & pietate prædito, D.
Georgio Sabino, pastori in Tangermûd,
magistro honestarum & liberalium
artium,

Solino of p. 377.

S. D. De scripto illustrissimi Principis, iam
ſepe ex alijs respondi. Probo Articulos doctrinæ:
& probare eos hic etiam cæteros intelligo. De ce-
remonijs uero humanis audio uisitatores ince-

securus adhibere: ideo non deseres etiam Ecclesiam. Spero Principem, his qui cum iudicio & modeste quosdam inutiles ritus, quos in scripto retinuit, abijcent, nō aduersaturum esse. Vbi sunt abolita, non restituturū esse opinor: eaq; de re ad quosdam magnaē autoritatis uiros scripsi, et tibi alias scribam copiosius. nunc enim impediōr oculorū morbo. Hunc scholasticum, qui istic erit hypodidascalus, tibi & scholae gubernatori commendo. Saluta reverenter meum conterraneum Hieronymum Stauden: mittam eius liberis, rogatus à Cordato, preceptorem. Bene uale, & rescribe. Die 13 Septembris, 1540.

DE CHRISTI VESTITV.

Reuerēdo uiro, D. Georgio Buchholz
tzero, fratri suo charifimo,

S. D. Reuerende uir, & charissime frater. Cum nuper breuius scriberem, non addidi, quæ de ceteris uestium figuris aut nominibus addenda erant. Toga fuit Romana, & distincta figura ab aliarum gentium uestitu: & aliunt Arcadicum fuisse, & existimo ab Euandro in Italianam illatum esse. Pallium fuit Græcorum & multarum gentium exterior uestitus: & aliud longum erat, aliud uero breuis penula. Phœnix fuit seruorum, cursorum, publicanorum, &c. uestitus.

Pretre